

佛說辯意長者子所問經

佛告辯意：復有五事行，死入地獄，億劫乃出。何謂爲五：一者、不信有佛法眾，而行誹謗，輕毀聖道。二者、破壞佛寺尊廟。三者、四輩轉相謗毀，不信殃罪，無敬順意。四者、反逆，無有上下，君臣父子不相順從。五者、當來有欲爲道者，已得爲道，便不受師教，而自貢高，輕慢誹師，是爲五事。死入地獄，展轉地獄，無有出期。

佛說弟子死復生經

爾時，有賢者優婆塞，本奉外九十六種道，厭苦禱祠，委捨入法。奉誠不犯，精進一心，勤於誦經，好喜布施，作意忍辱，常有慈心。暴得疾病，遂便命過。九日開眼，十日起坐，善能語言。言有吏兵來將我去，徑到一大城，中有大獄，獄正黑，四面悉以鐵作城，城門悉燒鐵正赤。獄中繫人身，皆在大火中坐，上下